


Biblia alang sa Kabataan motanyag



Ang Pagkatawo sa Simbahan



Gisulat ni: Edward Hughes

Gihulagway ni: Janie Forest
Alastair Paterson


Gipahaom ni: Ruth Klassen

Gihubad ni: Mel Lorell Abugho,
Cheryn Mabano Abugho


Gipagawas sa: Bible for Children
www.M1914.org

©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.




Sa dihang namatay na si Jesus, ang Iyang nahadlok nga mga sumusunod mitago sa ilang kaugalingon. Human mabanhaw si Hesus gikan sa mga patay, nagpakita Siya sa Iyang kaugalingon ngadto sa Iyang mga disipulo. Si Hesus buhi! Apan - si Jesus nagplano sa pagbiya kanila, aron mobalik sa Langit diin Siya kanunay nga nagpuyo uban sa Dios, nga Iyang Amahan.



Sa wala pa Siya mobiya, si Jesus misaad sa Iyang mga sumusunod nga Iyang ipadala ang Espiritu sa Dios aron mahimong ilang Maghuhupay ug Magtatabang. (Juan 15:26). Duol na ang panahon! Pipila ka adlaw human sa pagbiya ni Jesus, ang Dios nga Espiritu Santo miabut.

3

Kini nahitabo niining paagiha. Mga 120 ka sumusunod ni Jesus ang nag-uban sa pag-ampo sa usa ka balay. Sa kalit, ang balay napuno sa huros sa makusog nga hangin.




4

Ang nagsabwag nga mga siga sa kalayo mipatong sa matag tawo. Napuno silang tanan sa Espiritu Santo - sumala sa gisaad ni Jesus!



5


Gawas sa kadalanan, ang mga sumusunod ni Hesus nagsultig mga pinulongan nga wala pa nila matun-i. Ang mga langyaw nga mibisita sa Jerusalem nakadungog sa mga tinun-an nga naghigot bahin sa katingalahang mga buhat sa Diyos sa daghang pinulongan. Natingala ang mga bisita. "Unsa may buot ipasabot niini?" nangutana sila. "Sila napuno sa bag-ong bino,"



ang uban nagbiaybiay.


6

Apan si Pedro miingon, "Kini sila dili mga hubog ... mao kini ang gisulti ni propeta Joel ..." Unya gipahinumdoman sila ni Pedro nga daghang katuigan kanhi, ang Dios misaad nga ang Balaang Espiritu moabot aron sa pagpanalangin ug pagtabang sa mga tawo.



7


Si Pedro misulti sa mga tawo nga sila kinahanglan gayud nga motalikod sa ilang mga sala ug magpabunyag sa ngalan ni Jesukristo. "... ug kamo makadawat sa gasa sa Espiritu Santo," miingon si Pedro.



3000


8

Mga 3000 ka tawo ang misunod. Sila miduyog sa mga tinun-an ingong mga magsisimba ni Jesus. Sa paglabay sa panahon, nagkadaghan ang mga tawo nga nadugang sa simbahan nga gisugdan sa Dios sa adlaw nga ang Balaang Espiritu miabot.



9

Ang Balaang Espiritu nagdala sa Iyang gahum ngadto sa kinabuhi sa katawhan sa Dios. Usa ka adlaw niana, si Pedro ug si Juan nagdungan sa pagtungas sa templo sa takna sa pag-ampo. Usa ka bakol nga makilimos ang naglingkod sa gawas sa ganghaan sa templo. Nangayo siyag kuwarta kang Pedro ug Juan.



10

Unya miingon si Pedro, "Wala akoy pilak ug bulawan, apan ang ania kanako ihatag ko kanimo: Sa ngalan ni Jesu-Cristo nga Nazaretnon, bangon ug lakaw." Ug iyang gikuptan siya sa tuong kamot ug gipatindog. Busa siya, milukso, mitindog ug milakaw, ug misulod sa templo uban kanila - nga naglakaw, nagluksolukso, ug nagdayeg sa Dios.



11

Usa ka dakong panon sa katawhan nagtigom, natingala sa milagro. Gisultihan sila ni Pedro nga kini mao ang gahom sa Diyos, dili ang iyaha, ang nag-ayo sa bakol na tawo.




12

Sa dihang gipahinumdoman ni Pedro kining mga Hudiyo nga gibanhaw sa Diyos si Jesus gikan sa mga patay, ang mga pangulo sa templo masuk-anong midakop kang Pedro ug Juan ug gibalhog sila sa bilangoan. Apan, mga 5000 ka tawo ang mituo kang Jesus.




13

Pagkasunod adlaw, si Pedro ug si Juan mibarog atubangan sa mga punoan sa Templo. "Pinaagi sa unsa nga gahum o pinaagi sa unsa nga ngalan nahimo nimo kini?" nangutana ang mga punoan.



14

Napuno sa Balaang Espiritu, si Pedro mitubag nga maisugon. "... pinaagi sa ngalan ni Jesu-Kristo nga Nazaretnon, nga imong gilansang sa krus, nga gibanhaw sa Dios gikan sa mga patay, pinaagi kaniya kining tawhana nagabarug nga maayo sa imong atubangan."



15

Si Pedro nagpadayon nga walay kahadlok, "... walay laing ngalan sa silong sa langit nga gihatag sa mga tawo nga pinaagi niini kita maluwas." Kay dili gusto nga ang mga tawo motuo kang Jesus, ang mga magmamando grabeng naghulga kang Pedro ug Juan. "Sukad karon kinahanglan nga dili kamo makigsulti kang bisan kinsa sa ngalan ni Jesus."



16

Si Pedro kaniadto nahadlok nga mobarog alang kang Jesus. Apan kadto sa wala pa moabut ang Balaang Espiritu. Karon wala nay makahadlok kaniya.




17

Si Pedro ug si Juan mitubag, "Kon matarung ba sa panan-aw sa Dios ang pagpatalinghug kaninyo labaw pa sa Dios, kamo ang maghukom. Kay kami dili makapugong sa pagsulti sa mga butang nga among nakita ug nadungog."




18

Human sa dugang nga mga hulga, gibuhian sa mga magmamando si Pedro ug Juan. Gisultihan sa maisog nga mga alagad sa Diyos ang ilang mga kauban bahin sa prisohan ug korte. Unya naghimo sila ug dakong pag-ampo ug panagtigom sa pagdayeg. Sa makausa pa, ang Balaang Espiritu sa Dios mipuno sa Iyang katawhan sa



gahum - ug ang bata nga simbahan mitubo ug mitubo.



19

Ang Pagkatawo sa Simbahan

Estorya gikan sa Pulong sa Dios, ang Biblia,

makita sa

Mga buhat 1-4

"Ang pag-abot sa Imong mga Pulong nagahatag og kahayag." Salmo 119:130

20

Ang Kataposan

55



60

21

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab. Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

22